

UNIVERZITET U SARAJEVU – FAKULTET POLITIČKIH NAUKA SARAJEVO

SARAJEVO

PRIMLJENO: 28 05 2026			
Org. jed.	Broj	Prilog	Vrijednost
02-1-	785-1	126	

Na osnovu člana 69. i člana 123. Zakona o visokom obrazovanju („Službene novine Kantona Sarajevo“ broj: 36/22, 28/25), člana 111. u vezi sa članom 236. Statuta Univerziteta u Sarajevu (01-14-35-1/23) i prijedloga odsjeka Sigurnosne i mirovne studije, po prethodnoj saglasnosti sekretara, Vijeće Univerziteta u Sarajevu Fakulteta političkih nauka na sjednici održanoj 12.05.2026. godine donijelo je Odluku o imenovanju članova Komisije za izbor saradnika – višeg asistenta na naučnu oblast „Sigurnosne i mirovne studije“ Univerziteta u Sarajevu – Fakulteta političkih nauka (Odluka br 02-1-696-1/26 od 12.05.2026. godine), u slijedećem sastavu:

1. **prof. dr. Nerzuk Ćurak**, redovan profesor (Oblast Sigurnosne i mirovne studije), predsjednik
2. **prof. dr. Mirza Smajić**, redovan profesor, (Oblast Sigurnosne i mirovne studije), član
3. **prof. dr. Sead Turčalo**, redovan profesor, (Oblast Sigurnosne i mirovne studije), član

Nakon izvršenog uvida u podnesene prijave, Komisija podnosi Vijeću Univerziteta u Sarajevu – Fakulteta političkih nauka slijedeći

IZVJEŠTAJ

s prijedlogom za izbor akademskog osoblja u saradničko zvanje VIŠI ASISTENT na naučnu oblast „SIGURNOSNE I MIROVNE STUDIJE“

IZVJEŠTAJ sadrži

- I. OPĆI DIO SA PODACIMA O KONKURSNOJ PROCEDURI
- II. OSNOVNE BIOGRAFSKE PODATKE KANDIDATA/ KANDIDATKINJE
- III. OBRAZOVANJE KANDIDATA/KANDIDATKINJE
- IV. NAUČNO-ISTRAŽIVAČKI I STRUČNI RAD KANDIDATA/KANDIDATKINJE
- V. ZAKLJUČCI KOMISIJE S PRIJEDLOGOM ZA IZBOR

I OPĆI DIO SA PODACIMA O KONKURSNOJ PROCEDURI

Konkurs za izbor akademskog osoblja na Univerzitet u Sarajevu – Fakultet političkih nauka, u saradničko zvanje – viši asistent:

1. Na naučnu oblast „Sociologija“1 izvršilac (radni odnos na određeno vrijeme (5 godina) sa punim radnim vremenom);
2. Na naučnu oblast „Sigurnosne i mirovne studije“1 izvršilac (radni odnos na određeno vrijeme (5 godina) sa punim radnim vremenom);
3. Na naučnu oblast „Žurnalistika/komunikologija“1 izvršilac (radni odnos na određeno vrijeme (5 godina) sa punim radnim vremenom);

objavljen je u listu Dnevni Avaz, na web stranici Univerziteta u Sarajevu i web stranici Univerziteta u Sarajevu – Fakulteta političkih nauka dana 02.04.2026. godine. Konkurs je objavljen na temelju Odluke o usvajanju dinamičkog plana potreba za raspisivanjem konkursa za izbor u zvanje za studijsku 2025/2026. godinu Univerziteta u Sarajevu - Fakulteta političkih nauka broj 02-1-1202-1/25 od 10.06.2025. godine (tabela 1, pozicija 4, 5, 6), Prijedloga Odluke Vijeća Univerziteta u Sarajevu - Fakulteta političkih nauka broj: 02-1-368-1/26 od 10.03.2026.godine, broj 02-1-369-1/26 od 10.03.2026.godine, broj: 02-1-369-1/26 od 10.03.2026.godine i Odluke Senata Univerziteta u Sarajevu 01-7-99/26 od 25.03.2026.

Na konkurs za izbor akademskog osoblja - saradnika u zvanje viši asistent na naučnu oblast „Sigurnosne i mirovne studije prijavio se jedan kandidat i to:

- Fatima Mahmutović, prijava zaprimljena pod brojem 02-1-532-1/26, zaprimljena dana 10.04.2026. godine.

Prijava kandidata je blagovremena, što je konstatovano Potvrdom o blagovremenosti (03-1-639 - 1 /26 od 29.04.2026. godine).

Prijava kandidata je uredna i potpuna, što je konstatovano Potvrdom o urednosti (03-1-639-2/26 od 18.05.2026. godine

Potvrde su izdate na osnovu člana 255. (blagovremenost) i člana 256. (urednost) Statuta Univerziteta u Sarajevu.

II OSNOVNI BIOGRAFSKI PODACI KANDIDATKINJE

Kandidatkinja Fatima Mahmutović rođena je 1995.godine u Zenici. Osnovnu i srednju školu završila je u Tešnju. Prvi ciklus studija završila je 2017. godine na Fakultetu političkih nauka Univerziteta u Sarajevu, na Odsjeku za sigurnosne i mirovne studije, sa prosječnom ocjenom 8,80. Po okončanju prvog ciklusa studija nastavila je drugi ciklus studija na istom fakultetu i odsjeku, koji je uspješno završila 2019. godine odbranom magistarskog rada pod nazivom „*Mirovne operacije Organizacije Ujedinjenih nacija u 21.stoljeću*“. Tokom drugog ciklusa studija ostvarila je prosječnu ocjenu 9,87.

Za ostvarene rezultate tokom studija dobitnica je Srebrene značke Univerziteta u Sarajevu, koja se dodjeljuje najuspješnijim studentima Univerziteta u Sarajevu.

Na Fakultetu političkih nauka Univerziteta u Sarajevu, na Odsjeku za sigurnosne i mirovne studije, izabrana je u zvanje asistentice 2022.godine. Kao saradnica učestvovala je u realizaciji nastave na predmetima: Nauka o miru, Studije mira, Polemologija, Međunarodna sigurnost, Sistem sigurnosti Bosne i Hercegovine, Euroatlantska sigurnost, Informacijska sigurnost i Geopolitika. Pored nastavnog angažmana, obavlja i dužnost sekretara Odsjeka sigurnosnih i mirovnih studija, te aktivno učestvuje u realizaciji međunarodnih projekata i akademskih aktivnosti.

Na Fakultetu političkih nauka Univerziteta u Sarajevu 2023.godine upisala je interdisciplinarni doktorski studij, istraživačko polje Sigurnosne i mirovne studije, gdje istražuje temu „*Savremene teorije mira i njihova primjenjivost u mirovnom obrazovanju na univerzitetima u Bosni i Hercegovini*“. Tokom doktorskog studija kandidatkinja je uspješno položila sve predviđene ispite sa prosjekom ocjena 10, nakon čega su tema doktorske disertacije i projekat istraživanja odobreni od strane Vijeća Fakulteta političkih nauka i Senata Univerziteta u Sarajevu. Kandidatkinja se trenutno nalazi u fazi izrade doktorske disertacije. Tokom svog akademskog i stručnog angažmana učestvovala je na brojnim međunarodnim konferencijama, seminarima i projektima iz oblasti sigurnosnih i mirovnih studija, te aktivno doprinosi radu međunarodne univerzitetske alijanse EUPeace – European University for Peace, Justice and Inclusive Societies. Autorica je i koautorica više naučnih i stručnih radova iz oblasti mira, sigurnosti i postkonfliktne izgradnje mira.

Kandidatkinja je članica tima za samoevaluaciju studijskih programa na Univerzitet u Sarajevu – Fakultet političkih nauka, kao i članica Komisije za izradu novog studijskog programa Dualnog studija Univerzitet u Sarajevu – Fakultet političkih nauka u saradnji sa Ministarstvom odbrane Bosne i Hercegovine.

Bila je angažovana i kao koordinatorica na doktorskom studiju, istraživačko polje Politologija te Sigurnosne i mirovne studije, za generacije 2022/2023 i 2023/2024, a učestvovala je i u radu Komisije za ekvivalenciju položenih ispita.

III OBRAZOVANJE KANDIDATKINJE

1. Doktorski studij – interdisciplinarni doktorski studij, istraživačko polje Sigurnosne i mirovne studije, Fakultet političkih nauka Univerziteta u Sarajevu (od 2023.godine - trenutno). Kandidatkinja se nalazi u fazi izrade doktorske disertacije pod nazivom *„Savremene teorije mira i njihova primjenjivost u mirovnom obrazovanju na univerzitetima u Bosni i Hercegovini“*. Tokom dokorskog studija uspješno je položila sve predviđene ispite sa prosjekom ocjena 10.
2. Dobitnica je granta za EUPeace doktorsku mobilnost na Univerzitetu u Marburgu, koju će realizovati u periodu od 25.05.2026.godine do 25.07.2026.godine.
3. Drugi ciklus studija – magistrica sigurnosnih i mirovnih studija, Fakultet političkih nauka Univerzitet u Sarajevu (2017–2019). Magistarski rad pod nazivom *„Mirovne operacije Organizacije Ujedinjenih nacija u 21.stoljeću“* odbranila je 2019.godine sa ostvarenim prosjekom ocjena 9,87.
4. Prvi ciklus studija – bachelor sigurnosnih i mirovnih studija, Fakultet političkih nauka Univerziteta u Sarajevu (2014–2017), sa ostvarenim prosjekom ocjena 8,80.
5. Dobitnica je Srebrene značke Univerziteta u Sarajevu, koja se dodjeljuje najuspješnijim studentima Univerziteta, za ostvarene rezultate tokom prvog i drugog ciklusa studija.
6. Kandidatkinja je 2023.godine pohađala program cjeloživotnog učenja u oblasti pedagoškog obrazovanja i jačanja kompetencija akademskog osoblja Univerziteta u Sarajevu (TRAIN). U okviru programa uspješno je završila sljedeće module: „Istraživanje, naučno pisanje i publiciranje naučnoistraživačkih/umjetničkoistraživačkih rezultata (društvene i humanističke nauke)“, „Didaktika visokog obrazovanja“, „Priprema

projektnih aplikacija i upravljanje projektnim ciklusom“, „Komunikacija i vještine prezentiranja“, „Planiranje kurikuluma u visokom obrazovanju“ te „Osnovne andragoške djelatnosti u visokom obrazovanju“.

7. Kandidatkinja je učestvovala u realizaciji više stručnih programa i edukacija iz oblasti sigurnosti i euroatlantskih integracija u organizaciji Peace Support Operations Training Center (PSOTC) Ministarstva odbrane Bosne i Hercegovine. U okviru navedenih aktivnosti bila je angažovana kao moderatorica kursa o euroatlantskoj sigurnosti 2022, 2023, 2024. i 2025. godine, kao i moderatorica kursa „Media Management in PSO“ 2024. godine i 2025. godine.
8. U okviru akademskog usavršavanja učestvovala je na brojnim međunarodnim seminarima, konferencijama i Erasmus+ mobilnostima, među kojima se izdvajaju:
 - Erasmus+ teaching mobilnost na Karlovom univerzitetu u Pragu (2026),
 - Erasmus+ razmjena na Univerzitetu u Grazu (2025),
 - „13th Erasmus Staff Week“ na Univerzitetu u Varšavi (2024),
9. konferencije i seminari iz oblasti sigurnosti, mira, i postkonfliktne izgradnje mira u Bosni i Hercegovini, Poljskoj, Češkoj, Rumuniji i Sjevernoj Makedoniji.
10. Kandidatkinja posjeduje aktivno znanje engleskog jezika (C1 nivo), te osnovno znanje španskog i slovenskog jezika.

IV NAUČNO-ISTRAŽIVAČKI I STRUČNI RAD KANDIDATKINJE

Kandidatkinja Fatima Mahmutović, MA uz prijavu je dostavila popis objavljenih naučnih i stručnih radova, kao i popis učešća na međunarodnim naučnim konferencijama te međunarodnim i domaćim projektima realizovanim u periodu provedenom u zvanju asistentice. Tokom dosadašnjeg akademskog i stručnog angažmana kandidatkinja je aktivno učestvovala u naučnoistraživačkim i stručnim aktivnostima iz oblasti sigurnosnih i mirovnih studija, s posebnim fokusom na pitanja mira, sigurnosti, postkonfliktne izgradnje mira i mirovnog obrazovanja.

Objavljeni radovi i naučno istraživački angažman kandidatkinje (dostavljeno uz prijavu na konkurs)

Kandidatkinja Fatima Mahmutović, MA je tokom rada u zvanju asistentice ostvarila kontinuiran naučnoistraživački angažman kroz objavljivanje naučnih i stručnih radova iz oblasti sigurnosnih i mirovnih studija, mirovnog obrazovanja, i postkonfliktne izgradnje mira. U svojim istraživanjima kandidatkinja se posebno bavi savremenim teorijama mira, mirovnim obrazovanjem, izazovima postkonfliktnih društava, sa posebnim fokusom na Bosnu i Hercegovinu i region Zapadnog Balkana. Objavljeni radovi predstavljaju rezultat njenog kontinuiranog akademskog i istraživačkog rada, te potvrđuju aktivno učešće kandidatkinje u razvoju naučne i stručne djelatnosti iz oblasti sigurnosnih i mirovnih studija.

Objavljeni radovi u zvanju asistentice:

1. Mahmutović, F. (2024). *Mirovno obrazovanje: Put ka kulturi mira*. Kultura komuniciranja, god. 7, br. 3. UDK: 37.035.8. **Rad dostupan na:** <https://ff.sum.ba/wp-content/uploads/sites/20/2026/02/Kultura-komuniciranja-2024.pdf>.
2. Mahmutović, F. (2024). *Sigurnosno-razvojni neksus: Održivi razvoj kao prevencija oružanog konflikta i putokaz ka pozitivnom miru*. Sarajevski žurnal za društvena pitanja, 13 (1–2), 87–107. DOI: 10.58527/2303-4033.2024.13.1-2.87. **Rad dostupan na:** <https://ejournals.fpn.unsa.ba/index.php/sssr/article/view/70/63>.
3. Mahmutović, F., Ćosić, S. (2024). *The Influence of Popular Geopolitics on the Representation of the Culture of (Non)Violence in Post-Yugoslav Cinematography*. DHS, 2 (26), 313–332. DOI: 10.51558/2490-3647.2024.9.2.313. **Rad dostupan na:** <http://www.dhs.ff.untz.ba/index.php/home/article/view/16934/985>.
4. Mahmutović, F. (2025). *The Influence of Popular Culture on Shaping Security Policy in Bosnia and Herzegovina in the Post-Conflict Period (1995–2006)*. UDK: 316.74:355.02 (497.6)“1995/2006”. **Rad dostupan na:** <https://portal.mdt.gov.mk/post-body-files/sovremena-makedonska-odbrana-file-Vnnj.pdf>.
5. Mahmutović, F. (2026). *Post-conflict Reconciliation Initiatives in the Western Balkans in Light of the Rise of Right-wing Ideologies in Europe*. Inclusivity. DOI: 10.58603/QZKZ3963. **Rad dostupan na:** <https://www.ssoar.info/ssoar/bitstream/handle/document/109175/ssoar-inclusivity->

2026-4-mahmutovic-Post-conflict Reconciliation Initiatives in the.pdf?sequence=1&isAllowed=y.

Prikaz knjiga u zvanju asistentice:

1. Mahmutović, F. (2023). *Transkripti presretnutih razgovora srpskog političkog i vojnog rukovodstva u BiH i Srbiji kao dokaz genocidne namjere i agresije na Bosnu i Hercegovinu*. DHS, 1 (22), 651–654. UDK: 341.31(497.6):355.404.794(497.6)“1992/1995“(049.3). **Prikaz dostupan na:** <https://dhs.ff.untz.ba/index.php/home/article/view/5739/728>.
2. Mahmutović, F. (2024). *Zloupotreba koncepta europeizacije kao platforme za buduće političke obračune i produbljivanje dijalektike „ja–drugi” u bh. entitetu Republika Srpska*. DHS, 1 (25), 1243–1248. UDK: 323.1(497.6):061.1EU(049.3). **Prikaz dostupan na:** <https://www.dhs.ff.untz.ba/index.php/home/article/view/16878/967>.

Dodatni rad objavljen prije izbora u zvanje asistentice, u publikaciji Ujedinjenih nacija u Bosni i Hercegovini i Organizacije za evropsku sigurnost i saradnju, pod nazivom: „*Mir i kako ga vide mladi ljudi u Bosni i Hercegovini*“.

Rad dostupan na: <https://bosniaherzegovina.un.org/bhs/199993-mir-kako-ga-vide-mladi-u-bosni-i-hercegovini>.

Projekti u zvanju asistentice:

Kandidatkinja Fatima Mahmutović, tokom dosadašnjeg akademskog i stručnog angažmana aktivno je učestvovala u realizaciji međunarodnih i domaćih naučnoistraživačkih i razvojnih projekata iz oblasti sigurnosti, mira, postkonfliktne izgradnje mira, međunarodne saradnje i visokog obrazovanja.

Kroz angažman na projektima kandidatkinja je stekla značajno iskustvo u istraživačkom radu, koordinaciji projektnih aktivnosti, organizaciji međunarodne saradnje, akademskom umrežavanju, kao i u administrativnoj i organizacionoj podršci realizaciji međunarodnih projekata i aktivnosti.

Posebno se izdvaja njen angažman u okviru međunarodne univerzitetske alijanse EUPeace – European University for Peace, Justice and Inclusive Societies, gdje aktivno učestvuje u realizaciji aktivnosti vezanih za razvoj doktorskih studija, istraživačkih mreža i međunarodnih studijskih programa.

1. Western Balkans Regional Youth Partnerships Activity

Period trajanja projekta: oktobar 2022.godine – juli 2024.godine.
Pozicija: Local Researcher Exchange Host

U okviru projekta kandidatkinja je bila odgovorna za predstavljanje projektnih aktivnosti i rezultata javnosti i relevantnim akterima u Bosni i Hercegovini. Također je učestvovala u upravljanju i implementaciji projektnih zadataka, koordinaciji sa partnerima i korisnicima projekta, kao i u nadzoru istraživačkih aktivnosti, treninga i mobilnosti. Njene aktivnosti uključivale su tehnički nadzor nad realizacijom istraživanja, izradu završnih izvještaja, pripremu i implementaciju planova rada, te praćenje i evaluaciju projektnih aktivnosti.

2. EUPeace – European University for Peace, Justice and Inclusive Societies

Period trajanja projekta: 01.11.2023.godine – 31.07.2027.godine.

Kandidatkinja učestvuje kao članica tima za provedbu radnog paketa 6 (WP6), koji se odnosi na istraživačke hubove i doktorske studije, pri čemu je primarno angažovana na razvoju i koordinaciji doktorske mreže na nivou EUPeace alijanse, kao i na nivou Univerziteta u Sarajevu. Također je članica doktorske mreže u okviru istraživačkog huba *Security and Conflict Transformation*, gdje učestvuje u istraživačkim i organizacionim aktivnostima.

U okviru svojih zadataka kandidatkinja radi na prikupljanju i evidentiranju ponude kurseva za doktorsku mrežu, kako na nivou Univerziteta u Sarajevu, tako i na nivou EUPeace alijanse. Redovno učestvuje u radu podgrupe za doktorsku mrežu, sastancima radnog paketa VI i sastancima istraživačkog huba, te vodi evidenciju o prisustvu sastancima i utrošenim radnim satima za potrebe izvještavanja. Pored navedenog, kandidatkinja pruža kontinuiranu organizacionu i administrativnu podršku radu istraživačkog huba, koja uključuje organizaciju događaja, vođenje zapisnika sa sastanaka, ažuriranje liste članova, prikupljanje sadržaja za web

stranicu, kao i informisanje članova o relevantnim aktivnostima i novostima. Kandidatkinja je učestvovala u organizaciji i realizaciji učešća na EUPeace konferencijama održanim na Univerzitetu u Marburgu 2024.godine i Univerzitetu West Bohemia u Plzenu 2025.godine.

Kandidatkinja učestvuje i u realizaciji aktivnosti radnog paketa II (WP2) EUPeace alijanse, pri čemu aktivno djeluje u okviru podgrupe za *Virtual European Exchange Programme (VEEP)*, sa fokusom na razvoj i implementaciju aktivnosti iz oblasti virtualne međunarodne saradnje i razmjene. Također je članica Tima za pripremu i realizaciju zajedničkog master studija *Security & Conflict Transformation* u okviru aktivnosti zajedničkih diploma (*Joint Degree*). Redovno učestvuje na sastancima radnog paketa II, vodi evidenciju radnih sati i pruža kontinuiranu podršku u planiranju i realizaciji aktivnosti radnog paketa II.

3. Navigating Conflict in the Classroom – Teaching and Learning in Times of Societal and Political Polarisation (NAVINCLASS)

Period trajanja projekta: 01.12.2025.godine – 30.11.2028.godine.

Kandidatkinja je članica projektnog tima projekta *NAVINCLASS*, u okviru kojeg učestvuje u realizaciji aktivnosti predviđenih planom i programom rada projekta. Njene aktivnosti obuhvataju učešće u provođenju zajedničkih istraživanja, redovno prisustvovanje sastancima projektnog tima, pripremu i dostavljanje izvještaja o realiziranim aktivnostima, kao i izvršavanje drugih zadataka u skladu sa potrebama i ciljevima projekta.

Aktivno učešće sa izlaganjima na naučnim konferencijama i okruglim stolovima u zvanju asistentice:

Kandidatkinja Fatima Mahmutović, tokom dosadašnjeg akademskog angažmana aktivno je učestvovala na međunarodnim naučnim konferencijama, okruglim stolovima, seminarima i stručnim skupovima iz oblasti sigurnosnih i mirovnih studija, postkonfliktne izgradnje mira i međunarodne sigurnosti.

Posebno se izdvaja njeno kontinuirano učešće na međunarodnim konferencijama i naučnim skupovima u Bosni i Hercegovini i inostranstvu, gdje je predstavljala vlastita istraživanja iz oblasti mira, sigurnosti i mirovnog obrazovanja.

U nastavku se navode najznačajnija konferencijska učešća kandidatkinje:

1. **„Mladi znanstvenici u dijalogu“**
Organizator: Sveučilište u Mostaru
Mjesto i datum održavanja: Mostar, 22.05.2023.godine
Naslov rada: „Mirovno obrazovanje: Put ka kulturi mira“.
2. **“The 10th GIS Annual Conference 2023: International Security in the Post-Pandemic Era – Threats and Opportunities”**
Organizator: Babeş-Bolyai University Cluj – Center for Government Studies and Security Policies
Mjesto i datum održavanja: Cluj-Napoca, 19–20.10.2023.godine
Naslov rada: „The Impact of COVID-19 on Human Security: Revisiting the Concept of Ontological Security in the Light of Contemporary Security Challenges“.
3. **„Historicities of Security and Peace“**
Organizator: Univerzitet u Marburgu
Mjesto i datum održavanja: Marburg, 09–11.10.2024.godine
Naslov rada: „Peace Education in Bosnia and Herzegovina: Role of Schools and Universities in Building Peace in a Diverse Society“.
4. **„Women, Peace and Security – Chiefs of Defence Network Conference Bosnia and Herzegovina“**
Organizator: Ministarstvo odbrane Bosne i Hercegovine / Oružane snage Bosne i Hercegovine
Mjesto i datum održavanja: Sarajevo, 06–08.11.2024.godine
Naslov rada: „The Importance of Women's Rights and Human Rights in Armed Forces through Public Awareness“.
5. **„Culture and Security – New or Old Nexus in Security“**
Organizator: Friedrich Ebert Stiftung – Republic of North Macedonia
Mjesto i datum održavanja: Skoplje, 06–08.03.2025.godine
Naslov rada: „The Influence of Popular Culture on Shaping Security Policy in Bosnia and Herzegovina in the Post-Conflict Period (1995–2006)“.

6. **„International Scientific Roundtable: Development and Challenges in the Western Balkans“**
Organizator: Fakultet političkih nauka Univerziteta u Sarajevu i Univerzitet u Oradei
Mjesto i datum održavanja: Sarajevo, 13.05.2025.godine
Naslov rada: „Post-Conflict Reconciliation Initiatives in the Western Balkans in Light of the Rise of Right-Wing Ideologies in Europe“.
Kandidatkinja je na navedenom skupu učestvovala i u ulozi moderatorice.
7. **“EUPeace Conference: Advancing Justice, Peace, and Inclusiveness in Times of AI”**
Organizator: University of West Bohemia
Mjesto i datum održavanja: Pilsen, 22–24.09.2025.godine
Naslov rada: „From Negative to Positive Peace: The Role of Democratic Peace Theory in Shaping Europe’s Future“.
8. **„In Search of Security Guarantees for the Old Continent – The Dimension of Central, Eastern Europe and the Balkans“**
Organizator: Centre for Europe, University of Warsaw
Mjesto i datum održavanja: Varšava, 13.10.2025.godine
Naslov rada: „CEE and the Western Balkans in Global Security Architecture: Navigating Between NATO, the EU, and Neutrality“.
9. **„30 godina poslije Dayton: mitovi, realnosti i nove vizije budućnosti Bosne i Hercegovine“**
Organizator: Univerzitet u Sarajevu
Mjesto i datum održavanja: Sarajevo, 21–23.11.2025.godine
Naslov rada: „Hibridni mir u Bosni i Hercegovini: Teorijske implikacije i praktične mogućnosti za održivu izgradnju mira“.
Kandidatkinja je na navedenoj konferenciji učestvovala i u ulozi moderatorice.

Pored navedenih konferencijskih aktivnosti, kandidatkinja je učestvovala i kao panelistica na konferenciji „Omladinski aktivizam za mir“, organiziranoj od strane Mreže za izgradnju mira, u okviru panela „Mir u lokalnim zajednicama“, održanog 21.09.2023.godine.

Kandidatkinja je učestvovala kao predavačica na online javnoj tribini u organizaciji Nadbiskupijski centar „Ivan Pavao II.“ na temu „Mirovno obrazovanje u Bosni i Hercegovini“, održanoj 26.08.2024.godine.

Kandidatkinja je bila angažovana i kao predavačica na seminaru „Peace Education for Youth“, održanom u Sarajevu u periodu od 15.11. do 17.11.2024.godine, u organizaciji Youth for Peace i Konrad Adenauer Stiftung, gdje je izlagala na temu „Importance of Peace Education in a World Prone to Conflicts“.

Na osnovu dostavljene dokumentacije i priloženih dokaza o naučnoistraživačkom, stručnom i nastavnom angažmanu, Komisija konstatuje da kandidatkinja **Fatima Mahmutović**, ostvaruje kontinuiran i zapažen akademski razvoj u oblasti sigurnosnih i mirovnih studija.

Kandidatkinja je tokom rada u zvanju asistentice pokazala aktivno učešće u naučnoistraživačkom radu kroz objavljivanje naučnih i stručnih radova, učešće na međunarodnim konferencijama i projektima, kao i kroz angažman u međunarodnim akademskim mrežama i programima saradnje. Posebno se ističe njen angažman u oblasti mirovnog obrazovanja, postkonfliktne izgradnje mira, kao i aktivno učešće u organizaciji i realizaciji naučnih, istraživačkih i projektnih aktivnosti na domaćem i međunarodnom nivou.

Komisija također konstatuje da je kandidatkinja uredno dostavila svu relevantnu prateću dokumentaciju, uključujući certifikate, potvrde o učešću na konferencijama, seminarima i Erasmus+mobilnostima, odluke o imenovanjima u komisije i projektne timove, potvrde o angažmanu na projektima, kao i ostale dokaze kojima potvrđuje navode iz prijave i biografije.

Stručno usavršavanje i društveni angažman kandidatkinje prije izbora u zvanje asistentice:

Prije izbora u zvanje asistentice, kandidatkinja Fatima Mahmutović, MA iskazala je izrazit angažman u oblasti mirovnog obrazovanja, sigurnosnih studija i omladinskog aktivizma kroz učešće u brojnim domaćim i međunarodnim projektima, edukacijama i programima stručnog usavršavanja.

Bila je aktivna kao volonterka nevladine organizacije „Koalicija pod lupom“, uz podršku Evropske unije, tokom državnih izbora 2018.godine. Također je djelovala kao trenirana omladinska dopisnica platforme Balkan Diskurs, koja okuplja mlade autore i istraživače iz oblasti ljudskih prava, tranzicijske pravde, novinarstva i izgradnje mira.

Kandidatkinja je 2019.godine bila dio programa European Solidarity Corps u Republici Sloveniji, gdje je bila angažovana u radu omladinskog centra i centra za obrazovanje odraslih, kroz aktivnosti usmjerene na rad sa mladima, neformalno obrazovanje i društveni angažman.

Kandidatkinja je učestvovala u projektima i edukacijama koje su realizovali relevantni međunarodni i domaći akteri, među kojima se posebno izdvajaju: projekat „Symbols of the Lost Past“ Udruženja „Zaboravljena djeca rata“, projekat o tranzicijskoj pravdi i izgradnji mira u Bosni i Hercegovini u organizaciji Misije OSCE-a u Bosni i Hercegovini, WARM Academy, Regional Youth Forum u organizaciji RYCO-a, kao i više certificiranih kurseva i ljetnih škola iz oblasti sigurnosti, roda, medija, tolerancije i mirovnih operacija pri PSOTC-u, NATO-u i OSCE-u.








Posebno se ističe da je kandidatkinja završila NATO akreditovani kurs „Euro-Atlantic Security Course“, koji je vrednovan sa šest ECTS kredita, te niz edukacija iz oblasti roda u mirovnim operacijama, sigurnosnih politika, tolerancije, suočavanja s prošlošću i izgradnje mira. Navedeni angažmani svjedoče o kontinuiranom interesovanju kandidatkinje za akademsko i stručno usavršavanje u oblastima koje su usko povezane sa njenim naučno-istraživačkim radom i kasnijim akademskim angažmanom.

V ZAKLJUČCI S PRIJEDLOGOM KOMISIJE

Komisija jednoglasno konstatira da kandidatkinja **Fatima Mahmutović** ispunjava sve zakonom propisane uvjete za izbor u saradničko zvanje **viši asistent/viša asistentica**, za koje je aplicirala u svojoj prijavi na konkurs, a u skladu sa članom 112. stav 2. tač b) Zakona o visokom obrazovanju („Službene novine Kantona Sarajevo“ broj 36/22,28/25) i članom 226. Statuta Univerziteta u Sarajevu.

Na osnovu svega navedenog, Komisija predlaže Vijeću Univerziteta u Sarajevu-Fakulteta političkih nauka da usvoji ovaj izvještaj te da **Fatimu Mahmutović**, izabere u zvanje **VIŠI ASISTENT/VIŠA ASISTENTICA na naučnu oblast SIGURNOSNE I MIROVNE STUDIJE** i da taj prijedlog proslijedi Senatu Univerziteta u Sarajevu na daljnju proceduru.

KOMISIJA:

1. prof. dr. Nerzuk Ćurak, redovan profesor (Oblast Sigurnosne i mirovne studije), predsjednik


2. prof. dr. Mirza Smajić, redovan profesor, (Oblast Sigurnosne i mirovne studije), član


3. prof. dr. Sead Turčalo, redovan profesor, (Oblast Sigurnosne i mirovne studije), član
